



UPRAVA DRUŠTVIA	Strana: 1 od 2
Broj protokola: 02-1-04-7-6270-4/19	JAVNO

Datum: 06.11.2019. god.

Na osnovu člana 69. stav (2) tačka a), a u vezi sa članom 70. Zakona o javnim nabavkama („Službeni glasnik BiH“, broj 39/14) i članom 21. stav (1) tačka 2) Pravilnika o nabavci roba, usluga i radova u J.P. Međunarodni aerodrom "SARAJEVO" d.o.o. Sarajevo i člana 45. Statuta J.P. Međunarodni aerodrom "SARAJEVO" d.o.o. Sarajevo, te Izvještaja i preporuke Komisije za provođenje postupka javne nabavke robe: Aerodromski multiposipač, imenovane Rješenjem broj: 02-1-04-7-6270-4/19 od 01.10.2019. god., Uprava J.P. Međunarodni aerodrom "SARAJEVO" d.o.o. Sarajevo na 122. sjednici održanoj dana 06.11.2019. god., donosi

ODLUKU

I

Poništava se postupak nabavke robe: Aerodromski multiposipač, proveden metodom nabavke Otvoreni postupak, jer nije dostavljena nijedna ponuda u određenom krajnjem roku.

II

Naručilac će, nakon proteka rokova za reviziju pokrenuti novi postupak nabavke robe, kada se za to steknu uslovi, tj. kada se budu planirala veća sredstava za ovu nabavku.

III

Komisija za provođenje novog postupka predmetne nabavke, biće utvrđena/ imenovana naknadno, posebnim rješenjem.

Obrazloženje

Postupajući u skladu sa članom 18. Zakona o javnim nabavkama („Službeni glasnik BiH“, broj 39/14), a u cilju izbora najpovoljnije ponude za nabavku robe: Aerodromski multiposipač, direktor J.P. Međunarodni aerodrom "SARAJEVO" d.o.o. Sarajevo donio je Odluku o pokretanju postupka nabavke predmetne robe, broj: 02-1-04-7-6270-3/19 od 26.09.2019. god., a Rješenjem o imenovanju komisije broj: 02-1-04-7-6270-4/19 od 01.10.2019. god., imenovao Komisiju za provođenje postupka nabavke.

U skladu sa navedenom Odlukom, Naručilac je objavio obavještenje o nabavci na portalu javnih nabavki, broj obavještenja: 246-1-1-720-3-81/19 od 27.09.2019. god. Do ostavljenog roka za predaju ponuda, 30.10.2019. god., na adresu Naručioca u određenom krajnjem roku nije dostavljena nijedna ponuda.

Na javnom otvaranju ponuda, koje je održano isti dan u 12,30 sati, Komisija je zapisnički konstatovala ovu činjenicu.

Vodeći se gore navedenom činjenicom, Komisija je predložila Upravi J.P. Međunarodni aerodrom "SARAJEVO" d.o.o. Sarajevo da se poništi postupak nabavke predmetne robe i ponovi, kada se za to steknu uslovi, tj. kada se budu planirala veća sredstava za ovu nabavku. Naime, na sajmu aerodromske opreme Interairport Europe 2019, su bili izloženi Aerodromski multiposipači, čija cijena je prelazila planirana sredstva za nabavku multiposipača ovih karakteristika.

Uprava J.P. Međunarodni aerodrom "SARAJEVO" d.o.o. Sarajevo, razmotrila je preporuku Komisije na 122. sjednici održanoj dana 06.11.2019. god., te je, istu prihvatila i ocijenila da su se ispunili uslovi za poništenje postupka nabavke predmetne robe, i u skladu sa članom 69. stav (2) tačka a) Zakona o javnim nabavkama („Službeni glasnik BiH“, broj 39/14), a u vezi sa članom 21. stav (1) tačka 2) Pravilnika o nabavci roba, usluga i radova u J.P. Međunarodni aerodrom "SARAJEVO" d.o.o. Sarajevo, donijela Odluku kao u dispozitivu.

POUKA O PRAVNOM LIJEKU: Protiv ove Odluke može se izjaviti žalba Uredu za razmatranje žalbi. Žalba se podnosi putem ugovornog organa, J.P. Međunarodni aerodrom "SARAJEVO" d.o.o. Sarajevo, u pisanoj formi, direktno, elektronskim putem ili preporučeno poštanskom pošiljkom, u 3 (tri) primjerka, i to u roku od 10 (deset) dana od dana donošenja Odluke.

DIREKTOR

Armin Kajmaković



DOSTAVLJENO:

1. Upravi Društva
2. Sektoru komercijale
3. Sektoru finansija
4. Sektoru saobraćaja i usluga u zračnom saobraćaju
5. Sektoru za PKO poslove
6. a/a